

Ayacucho - Salvacion Qellqapa - Salvation Scriptures

Efesios 2:2 Wañusqa hinaqa karqankichik kay pachapi mana allin ruwaqkunata qatipakuspaykichikmi hinaspa wayrapi mana allin espiritukunapa kamachikusqanta kasukuspaykichikmi. Kunanpas chay mana allin espirituqa Diosta mana kasukuqkunapim munaychakuchkan.

Mateo 6:10 munaychakuyniki hamuchun, munasqayki ruwasqa kachun kay pachapi, imaynam hanaq pachapi hina.

Lucas 22:42 Taytáy, munaspaykiqa kay ñakariymantayá libraykuway, ichaqa amayá ñoqapa munasqaychu kachun, aswanqa qampa munasqaykiyá, nispa.

Juan 16:7-9 Cheqaptam nikichik: Qamkunapaqqa allinpunim ñoqapa riynyqa, mana riptiyqa manachá qamkunapa kallpanchasuqnikichikpas hamunmanchu, rispaymi ichaqa kachamusqaykichik. 8 Pay hamuspanmi runakunata reqsichinqa huchayuq kasqankumanta, Diospa kuyakuyninmanta hinaspa juicio punchawmanta, 9 huchayuq kasqankutaqa reqsichinqa ñoqapi mana iñisqankuraykum,

2 Timoteo 2:10 Chaymi akllasqankunata kuyasqayrayku tukuya ñakarispay aguantachkani, chaynapi paykunapas Cristo Jesusnintakama salvakuspanku wiñay kawsayta haypanankupaq.

Romanos 15:20,21 Chaynatam kallpanchakurqani Cristomanta manaraq yachasqanku llaqtakunapi allin noticiakuna willakuya. Chaynataqa ruwarqani hukpa hatarichisqanman mana chapukunaypaqmi. 21 Chaynataqa ruwachkani imaynam Qellqapa nisqanman hinam. Qellqam kaynata nin: "Paymanta mana yachaqkunam rikunqaku, haykapipas mana uyariqkunam entiendenqaku", nispa.

Hechos 2:36,37 Israelpa llapallan mirayninkuna, yachaychikyá, qamkunapa chakatarusqaykichik Jesustam Cristo hinaspa Señor kananpaq Dios churaykun, nispa. 37 Kaykunata uyariruspankum sonqonkupi llumpayta llakikuruspanku Pedrotawan wakin apostolkunata tapurqaku: Wawqekuna ¿imatataq ruwallasaqku? nispanku.

Hebreos 4:2 Judiokunaman hinam ñoqanchikmanpas allin noticiata willawarqanchik. Paykunam ichaqa mana iñiywanchu uyarirqaku, chaynapim paykunapaqqa mana valeq hina karqa, chaynaqa karqa iñiqkunaman mana hukllawakusqankuraykum.

Jeremías 24:7 Tayta Dios kasqayta reqsiwanankupaqmi yachayta qosaq. Paykuna llaqtay kanqa, ñoqañataqmi Diosninku kasaq, chaynaqa kanqa tukuy sonqonkuwan ñoqaman kutirkamusqankuraykum.

Hechos 16:14 Chaypim kachkarqa Tiatira llaqtayuq Lidia, paymi achka preciopa chanin morado telakunata rantikuq. Payqa Diosta yupaychaq kasqanraykum

allinta uyarichkarqa, hinaptinmi sonqonta Señor kichaykurqa Pablopá nisqanta kasukunanpaq.

Mateo 13:14,15 Chaynatam paykunapi profeta Isaiaspa kayna nisqan cumplikun: "Uyarichkaspapas manam entiendenqakuchu, qawachkaspapas manam rikunkakuchu. 15 Kay runakunapaqa sonqonkupas rumiyasqam kachkan, rinrinkupas upayasqam kachkan, ñawinkupas wichqasqam kachkan. Mana qawakunankupaqmi ñawinkutapas wichqarunku, mana uyarinankupaqmi rinrinkutapas taparunku, chaynapi mana entiendenankupaq nitaq ñoqaman kutirikamunankupaq, chaynapi ñoqapas mana sanoyachinaypaq", nispa.

Isaías 6:9,10 Chaymi niwarqa: Rispaykiyá kay llaqtaman kaynata nimuy: Uyarichkaspapas manam entiendenqakuchu, qawachkaspapas manam yachanqakuchu. 10 Kay runakunapa yuyaymanayninta pantarachiy, mana uyarinankupaq rinrinkuta upayarachiy, mana qawakunankupaq ñawinkuta ñawsayarachiy, mana entiendespanku mana wanakunankupaq, chaynapi huchankuta mana pampachanaypaq, nispa.

Marcos 4:11,12 Jesusñataqmi paykunata nirqa: Qamkunamanqa Diosmi munaychakuyninpi pakasqa kaqkunata yachachisunkichik, hawapi kaqkunamanmi ichaqa rikchanachiykunawan yachachin, 12 qawachkaspankupas mana rikunkupas, uyarichkaspankupas mana entiendenankupaq, chaynapi Diosman mana kutirikunankupaq hinaspa huchankumantapas mana pampachasqa kanankupaq, nispa.

Juan 12:39,40 Manam pipas creeyta atirgachu. Isaiasqa qellqarqataqmi: 40 Runakunatam Dios ñawsayarachirqa, paykunapa sonqontam rumiyachirqa chaynapi mana rikunkupas, chaynapi mana entiendenankupaq, chaynapi mana kutirikamuwanankupaq, chaynapi mana sanoyachinaypaq, nispa.

Romanos 11:7,8 Chaynaqa, Israelpa mirayninkunaqa manam hayparqakuchu ima munasqankutapas. Diospa akllasqankunam ichaqa paypa chaskisqanña rikurirunku. Wakinpa sonqonñataqmi rumiyarurqa, 8 Qellqapa nisqanman hina: Diosmi qoykurqa, mana imapas sientiq espirituta, ñawinkuwanpas mana rikukuy atinankupaq chaynataq rinrinkuwanpas mana uyarinankupaq. Chaynam kunankamapas kachkanku, nispa.

2 Tesalonicenses 2:10,11 Hinaspm tukuy rikchaqmana allin millakuypaq kaqkunata ruwaspa engañanqa, haykam salvakunankupaq cheqap yachachikuya mana chaskiyta munaspa condenacionman riqkunata. 11 Diosmi paykunaman kachamun engañakuq atiya, llulla kaqkunapi creenankupaq,

Mateo 13:18-23 Uyariychik, kunanmi muhu tarpuqwan rikchanachisqaypa imam ninanta yachachisqaykichik: 19 Ñanman wichiyyuq muhum Diospa munaychakuyninmanta palabrata uyarichkaspan mana entiendeq runaman rikchakun, paypa sonqonpi tarpusqa muhuta supay hamuruspa

qechurusqanrayku. 20 Rumillaña ranraman wichiqñataqmi rikchakun, palabrata uyariykuspa kusikuywan chaskiqman, 21 ichaqa mana sumaqta sapichakusqanraykum mana unaytachu kawsarqa. Paykunam Diospa palabranrayku cheqnisqa qatikachasqa kaspanku chaylla wicherunku. 22 Kichka-kichka ukuman wichiyykuq muhuñataqmi rikchakun, Diospa palabranta uyarchkaspan kay pachapi preocupacionkunawan hinaspa qori-qollqe kuyaywan engañarachikuq runaman. Tukuy kaykunam Diospa palabran uyarisqanta pamparuptin mana rurunñachu. 23 Allin allpaman wichiq muhuñataqmi rikchakun palabrata uyarispan entiendeq runaman. Chaymi huk muhullamanta rurun pachakta, soqta chunkata hinaspa kimsa chunkata, nispa.

2 Corintios 3:15,16 Kunankamapas Moisespa libronta leespankuqa manam entiendenkuchu yuyaymanayninku velowan tapasqa kasqanrayku. 16 Señorman pipas kutirkuptinmi ichaqa chay tapaqnin velo hurqosqa kanqa.

Isaías 30:28 Samayninpas llimpariq lloqla hinaraqmi, kunkakama haypaq lloqla hinaraqmi. Harnerowan suysuq hinam llapa nacionkunata ñakarichinqa, frenota siminman churaspam llaqtakunata chinkachinqa.

Oseas 11:3-7 Ñoqam Efraín llaqtata makinmanta pusaspa puriyta yachachirqani, chaywanpas manam reqsikurqakuchu waqaychaqninku kasqayta. 4 Paykunataqa kuyakuywanmi pusamurqani, kuyay sonqoywanmi pusamurqani; paykunataqa ñuñuq wawakunata hinam qasqoyman asuykachirqani, mikuchinaypaqmi paykunaman kumuykurqani. 5 Paykunam ichaqa ñoqaman kutirkamuwayta mana munarqakuchu, chayraykum kaqllamanta Egíptopi esclavo kamunqaku, Asiria nacionpas paykunapim munaychakunqa. 6 Llaqtaykikunapas guerrapa tukusqanmi kanqa, runaykikunatas enemigoykikunam wañuchinqa, mana allin tanteasqaykikunapas chaypim tukunqa. 7 Llaqtayqa hinallaraqmi ñoqamanta karunchasqa kachkan, chayraykum qayakamuwaptinpas mana uyarisaqchu.

Hechos 26:18 rispayki ñawinkuta kichamuptiki tutayaymanta achkiyman tikrakuspanku Satanaspa munasqanta amaña ruwaspa Diostaña kasukunankupaq, chaynapi ñoqaman iñiptinku huchankuta Dios pampachaptin, paykunapas Diospa akllasqankunawan kuska herenciata chaskinankupaq”, nispa.

2 Timoteo 2:24-26 Señor serviqqa manam peleollapichu purinan, aswanqa llapallanwanmi allinlla kanan, payqa chaylla allin yachachikuqmi hinaspa mana piñakuqmi, 25 mana kasukuqkunatas llampu sonqollawanmi corregiykunan, icharaqpas wanakunanpaq Dios tiempota qoykunman, chaynapi cheqap kaqta reqsinankupaq, 26 chaynapi pantaypi kasqankuta reqsikuspanku diablopas presochasqanmanta lluptinankupaq. Paykunaqa diablopas watasqanmi kachkanku paypa munayninta ruwanankupaq.

Apocalipsis 3:17-19 Qanmi ninki: “Apum kani, apuyarunim, manam imatapas munaniñachu” nispayki, ichaqa manam musyakunkichu llakipayayapaq mana

imayuq kasqaykita, wakcha, ñawsa hinaspa qalalla kasqaykitapas. 18 Chaynaqa, ñoqam consejayki ninapi chuyanchasqa qorita rantiwaspayki cheqapta apu kanaykipaq, yuraq pachatapas rantiway penqaynikita tapakunaykipaq, rantiwaytaqyá coliriotapas ñawikiman sutuchispa allinta qawakunaykipaq. 19 Ñoqaqa haykam kuyasqaykunataqa qauchaspaymi castigani. Chaynaqa, tukuy sonqoykiwanyá huchaykunamanta wanakuy.

2 Corintios 7:10 Diospa munasqanman hina llakikuyqa huchanchikmanta wanakuymanmi apawanchik, chaynapi salvasqa kananchikpaq, chaynaqa manam ñakakunanchikchu. Runakunapa munasqanman hina llakikuymi ichaqa wañuya apamun.

1 Reyes 18:37 ¡Dios Taytalláy uyariykullaway, chaynapi kay runakuna Tayta Dios kasqaykita yachanankupaq hinaspa karunchasqa sonqonkutapas qanman kutirichimunaykipaq! nispa.

2 Corintios 4:4 Mana iñisqankuraykum, kay pachapi dios yuyaymanayninkuta tutayarachin, chaynapi Cristopa achkirichkaq allin noticianta mana entiendenankupaq. Cristoqa Diospa rikchayninmi.

Lucas 8:11-15 Rikchanachisqaypa imam ninanqa kaymi: Muhuqa Diospa palabranmi. 12 Ñanman wichiq muhum rikchakun Diospa palabranta uyariq runakunaman, ichaqa diablom hamuruspan sonqonkumanta hurqorun, chaynapi mana creenankupaq hinaspa mana salvakunankupaq. 13 Ranraman wichiqñataqmi Diospa palabranta uyariyuspa kusikuylawanña chaskiqkuna, ichaqa manam sapichakunkuchu. Paykunaqa pisi tiempollapaqmi iñinku, chaynapim sasachakuykuna hamuruptin chaylla kutikunku. 14 Kichkakunaman wichiqñataqmi haykam uyariqkuna, paykunaqa allimantam kay pachapi afanakuykunawan, qori-qollqe maskaywan hinaspa aycha kusichiykunawan pamparachikunku, chaynapim mana rurunkuchu. 15 Allin allpaman wichiqkunam ichaqa, Diospa palabranta uyariyuspa cheqap sonqowan chaskikuq runakuna, paykunaqa allinta takyaspankum achkanpi rurunku.

Hechos 15:11 Yachasqanchikman hinaqa Señor Jesús kuyawasqanchikraykullam Diosqa salvawanchik, ñoqanchiktapas chaynataq paykunatapas, nispa.

Romanos 8:13 Aychaman hinalla kawsaspaykichikqa wañunkichikmi; Chuya Espirituman hina aychapa ruwayninkunata wañuchispam ichaqa kawsankichik.